

याकुब रासतद सीटि

याकुब इतेके येसुसामिना तमोग ओर्बोग मतोग. (पुटमुळि पुस्तकते वावाल इसकना मगि याकुब, वेग आयोग. किर्स्तुना बळयि योहनना दादाल याकुब, वेग वने आयोग.) येसुसामि डोलिस जीवा अरतापया, याकुबिहक दिसतोग. अद तूकने बहे, याकुब ओन देवुळ लोहतोग किर्स्तु आंदोग इनजोर, विस्वस कीतोग; मुने ओग येसुन नमोग आंदोग (योहन 7:5). कीसि पया, ओग येस्सलेम सहरतोर यहुदि विस्वसिरा मुक्याल मन्जि, देवुळता सेवा कीदोग. अस्के सबेटोर यहुदि विस्वसिर, लोकरा विस्वतेनाहक, दुस्त्राड-दुस्त्राड देसेहकने बिरोबटो आस मतोर. ओर विस्वसिर तिपल्कने दीरा पोस मनदलाहि, इद सीटटुन रासतोग.

याकुब इद सीटटुन रासतद कालमते, वेल्लाटोर यहुदि विस्वसिर गरिब मतोर, ओरगा ओसोय कमि जागा-बूम मता. वेल्लाटोर यहुदि विस्वसिर कूल-बूत अन्जि पिसवालोर मतोर. मति उयतुर बोर-बोर लोकर पका साव्कर मतोर; नाहक-नाहक अन्जि, दंदा कीदुर. विस्वसिरगा वेल्लाटोर लोकर साव्कर्किहक बारा मान ईदुर, मति गरिब लोकरिहक कदर एवोर आंदुर. विस्वसिराड इद्रमताड गल्लितु सुद्रे कीयलाहि, याकुब इद सीटटुन रासतोग.

“मीट देवुळता पोल्लोतुन सिरप केव्कने केंजवालोरिरे आयमाटु, मति अद्रमलेहका ताकवालोरिर वने आम्हटु. सिरप केंजवालोरिरे बार मतेके, मीट कुदतुने नाळेह कीय्हनिर,” इन्जि याकुब रासतोग (1:22). नेंड वने वचन बेस पुहनन इनवालोर वेल्लाटोर तिरियिह्तोर, मति वचन वेहतप ताकोर. निमा देवुळता पोल्लो वेहतप ताकतिन इतेके, दुस्त्रोर वने नीक ऊळिसि येसुनके वायनुर.

याकुबनेनाह जोहर

1 नना याकुबनन, ✧ देवुळता ओसो किर्स्तु येसुसामिना सेवकनन आंदन. ✧ मावा इय्येल लोकर बारा कूळिनोर, दुस्त्राड-दुस्त्राड देसेहकने बिरोबटो आसि मनवालोर, ✧

✧ 1:1 1:1 बळयिर 12:17 ✧ 1:1 1:1 रोम सहरतोर 1:1; तीतुस 1:1-4 ✧ 1:1 1:1 योहन 7:35; 1 पत्र 1:1

सबेटोर विस्वसिरिहक नयेनाह जोहर!*

देवुळतुन विस्वसते ताल्हकना

2 मावोर विस्वसिरिर, मियगा बेस्के मीवा आसातुन देहतनव अलग-अलग रीतताड पोल्लोड वायनुड, अस्के मीट पका गिर्दा आम्हटु.✧

3 बेस्के मीट विस्वसते मन्जि आरेम आयविर, अस्के मीक दीरा पोयतनद लाव दोर्किहता इनजोर पुनदकिर.✧

4 मीट आक्रि एवनाह दीरा पोस मन्हटु, अस्के मीवा विस्वस बेस मेगका.✧ ओसो मीवा ताकमुळतगा बाताले कमि आयो आयगा.✧

5 मियगडाह बोन्क बुदता कमि मन्हता, ओग देवुळतुन ताल्हकेग, अस्के देवुळ ओन्क ईयगा.✧ बाराहक इतेके, तान ताल्हकवालोर कतमतोरिहके, अद नारज केवा लेकालेवा ईस्ता.✧

6 मति ताल्हकनेके, पूरा आसा देवुळतगान मनदना गावले. ताल्हकिहपा मुर्तिय रेंड विचर्क आयना आयो.✧ बह इतेके, रेंड विचर्कनोग मन्कल, वळयते ईनाह-आनाह वायनव सम्दुरतगडाड लच्छकाना लेहका मन्हतोग.✧

7 अद्रमतोग मन्कल देवुळतगडाह नाक बातालाय दोर्कगा इन्जि, विचर वने केमाकेग.

8 ओग रेंड विचर्कनोग मन्कल आंदोग,✧ बेद कीतिकाय मुर्म अरनाह केवोग.

देवुळ ईयनद कदरतेनाहक गिर्दा आयना

9 देवुळि तना मुनेह माक कदर ईता इनजोर, कदरलेवोर विस्वसिर गिर्दा आयना गावले.✧

* **1:1 1:1** येसु पुटेटदिहक रेंड अजर्क वर्साना मुने, अब्रहम मुय्तोग मतोग, ओना मगि इसक, इसकना मगि याकुब इनवाल आंदोग. याकुबना दुस्सा पेदिर इस्रयेल आंदु. वेनगडाहि बारा मगक पुटोर, ओरे इस्रयेल लोकुरा बारा कूळिनोर पेदामुय्तोर आंदुर. येसु देवुळदीपते तडतापया, इस्रयेलतोर बारा कूळिनोर यहदि विस्वसिर, लोकुरा विस्वतेनाहकु दुस्साड-दुस्साड देसेहकने बिरोबटो आस मतोर. ओर विस्वसिरनाहक इद सीटुन याकुब रासतोग. ✧ **1:2 1:2** मत्याल 5:12; याकुब 5:11; 1 पत्र 1:6 ✧ **1:3 1:3** लूकाल 21:19; रोम सहरतोर 12:12; इब्रितोर 6:12; 1 पत्र 1:7 ✧ **1:4 1:3-4** 2 पत्र 1:6 ✧ **1:4 1:4** कुलुसितोर 4:12 ✧ **1:5 1:5** 1 राजा 3:9-12 ✧ **1:5 1:5** मत्याल 7:7 ✧ **1:6 1:6** मत्याल 21:21; मार्कल 11:23; याकुब 5:15 ✧ **1:6 1:6** इपिसुसतोर 4:14 ✧ **1:8 1:8** 4:8; 2 पत्र 2:14 ✧ **1:9 1:9** लूकाल 14:11

10 साव्कर लोकरु बार, रोंडातगा पूनद पुंगेगता लेहका वागिस मायिह्तोर.✱ अदिनेनाहक (देवुळि साव्कर्किन उड्लोर कीयहपा,) “देवुळ माक उड्लोर कीयगा” इनजोर तेला, ओर गिर्दा आयिर!†

11 पोळद पेसतस्के पका एद तेगयहता, अस्के पका एद दल्लिसि, रोंडा वतिहता. ओसो ताना पुंगेग वने ऊसिहता. ऊसतापया ताना सोबा मारिहता.✱ अद्रमलेहकाने साव्कर लोकरु वने, तमा कमयता पेग्के अन्ज-अनजि बूलेम आयनुरे.

देवुळि बोने पापमते अरयनाह केवो

12 पापमते अर्हतनव पोल्लोड वातेक तेला, बोर लोकरु विस्वसते मेगिस निच मन्हतोर, ओर देव्वातोर्.✱ ओर दीरा पोसि देवुळतुन विव्सवाहकु, ओरिहक देवुळतेनाह अमेसाता पिसमुळता इनम दोर्कगा.✱ बह इतेके, नाक बोर जीवा कीस्तोर, ओरिहक अद अमेसाता पिसमुळता इनम ईकन इन्जि, देवुळि पोल्लो विव्सिस म्ता.✱

13 बेस्के पापमते अर्हतनव पोल्लोड वास्ताड, अस्के देवुळिये नावा पट ऊळिहता इनजोर, बेस्केन देवुळता तप तोहतना आयो. बाराहक इतेके, लाग्वा विचर कीसि, देवुळता पट ऊळनद आयो, अहे देवुळ वने पापम कबळ कीयेग इनजोर, बोनाय पट ऊळो.

14 मति मन्कना लालुसिये ओन नाळेह कीसि तनेके गुंजिहता, गुंजिसि ओन तनगा एगिह कीसि, पापम कीयनाह कीस्ता.

15 पया (आंचाळ नेलाड हव्किस रिकम आयना लेहका,) मन्कना जीवातगा लालुस वने बेर्सिसि, पापमतुन पुटिह कीस्ता.✱ पया अद पापम बेर्सिसि, आक्रिते ओन देवुळताह एगिह कीस्ता‡.✱

16 मावोर विस्वसिरि! मीट इद्रमलेहका देवुळता तप तोहचि, नाळेम आयमाट.

17 बाराहक इतेके पोळदतुन, नेलातुन, उकानु पुटिह कीतोग देवुळबाबानगडाह,✱ सबे बेसताड माचलेववु बर्कत्कु वास्ताड.✱ मति (पोळदता, नेलाता वेहच बेद्रम

✱ **1:10 1:10** यशायाह 40:6; 1 पवु 1:24-25 † **1:10 1:10** याकुबना पुस्तकते बेगा बेगा साव्कर्कना पोल्लो वास्ता, अद अविस्वसिरा लोपपाडा पोल्लो मन्हता. ✱ **1:11 1:11** यशायाह 40:7-8 ✱ **1:12 1:12** लूकाल 6:22; याकुब 5:11 ✱ **1:12 1:12** रोम सहरतोर 5:4 ✱ **1:12 1:12** पेसमुळि 20:6; 1 कुरिततोर 2:9-10; 9:25; याकुब 2:5 ✱ **1:15 1:15** अय्यूब 15:35; देवुळताड पाटाड 7:14; यशायाह 59:4 ‡ **1:15 1:15** ओन देवुळताह एगिह कीस्ता मोदुल कागिदते “हामरतुन पुटिह कीस्ता”. ✱ **1:15 1:15** रोम सहरतोर 5:12 ✱ **1:17 1:17** देवुळताड पाटाड 136:7; 1 तिमोति 6:16 ✱ **1:17 1:17** 3:17

एक्वा-तक्वा मिळन्दसोर दास्ता, अद्रमलेहकाडा मावा देवुळ आयो.✽) ताना गूनम बेस्केन मिळन्दो.✽

18 माटु देवुळता सेतेमता कबुरता मेटे, पूना पुटमुळ दोर्किह कीतल.✽ इद्रम आयि इनजोर, देवुळि मुनेन विचर कीस मता. अद विचर मतपु, इद बूमतगा पुटिह कीतव सबेटविनगडाह, मुने माके पूना जीवा ईसि, तनेनाहक अलग कीस तासता.✽

देवुळता पोल्लो केंजतप ताकनदे

19 मावोरिर! मीट सबेटोरिर बेस उसरते केंजना गावले, वळहकलाह कंद्रेम आयना आयो,✽ ओसो चट्पिट ओड वने आयनद आयो,✽ इव पोल्लोन सीताते तासाटु.

20 बाराहक इतेके मन्कना ओडु, देवुळता सेतेम अगदे बोने ताकिह कीया पगवो.✽

21 अदिनेनाहक मीवा जीवातगडाहि सबे रीतिना माचतुन, ओसो लाग्वाड कबस्किन, जेक कीम्हटु.✽ कीसि देवुळ मीवा जीवातगा ओम्सतद पोल्लोटुन, कुल्ल बुदते मोन्हटलाह ईम्हटु. अद पोल्लो मीक पिसिह कीया पगयहता.✽

22 मीट देवुळता पोल्लोटुन सिरप केक्कने केंजवालोरिरे आयमाटु, मति अद्रमलेहका ताकवालोरिर वने आम्हटु.✽ सिरप केंजवालोरिरे बार मतेके, मीट कुदतुने नाळेह कीय्हनिर.

23 बोग देवुळता पोल्लोटुन केंजलाह केंजिहतोग, मति अद्रमलेहका ताकोग इतेके, ओगु तना मोकमतुन अदमतगा बेस ऊळवाना लेहका मन्हतोग.

24 ओग तन्क अदमतगा ऊळिहतोग, मति अबर अतस्के, नना बेद्रम दिसिहन्नन इनजोर, तना मोकमतुन अस्केने माग्डिहतोग.

25 मति बोगु पापमताहि विळिसह कीयनव,✽ चुकवालेवा ताकिह कीयनव, देवुळताड अडोन बेस सीता कीसोर, अविस्किन माग्डवालेवा, अडोड वेहतप केवाल मन्हतोग,✽ अद्रम कीसोर मनेके, देवुळि ओन्क देव्या इयगा.✽

✽ **1:17 1:17** 1 योहन 1:5 ✽ **1:17 1:17** मलाकी 3:6; 2 तिमोति 2:13 ✽ **1:18 1:18** 2 कुरिततोर 6:7; इपिसुसतोर 1:13; 2 तिमोति 2:15; 1 पत्रु 1:3 ✽ **1:18 1:18** तोहचीतव पोल्लोड 14:3-4 ✽ **1:19 1:19** बुदताड पोल्लोड 10:19; 17:27 ✽ **1:19 1:19** बुदताड पोल्लोड 16:32; सभोपदेशक 7:9 ✽ **1:20 1:20** मत्याल 5:22; इपिसुसतोर 4:26 ✽ **1:21 1:21** इपिसुसतोर 4:22 ✽ **1:21 1:21** कुल्लिसितोर 3:16; याकुब 5:20 ✽ **1:22 1:22** मत्याल 7:24-27; रोम सहरतोर 2:12-13; याकुब 2:14-20 ✽ **1:25 1:25** योहन 8:32; गलातितोर 2:4; याकुब 2:12 ✽ **1:25 1:25** गलातितोर 6:2 ✽ **1:25 1:25** योहन 13:17

देवुळतुन गिर्दा कीयनद पोल्लो

26 इंजेके मियगा बोगाय मन्कल, नना देवुळता संगे कर्तुळते महनन इनजोर इन्हतोग, मति तना वैजेटुन आत्रे केवा, तना तन्के नाळेह कीस्तोग, अद्रमतोना कर्तुळतनम उगसताये आंदु.✧

27 मति मूरा-मूरि पिलाड-पेकोरा, ओसो रांडे आस्कना तिपलतुन ऊळिसि, ओरा सायता कीयना.✧ ओसो इद दुनियाताड सवे लाग्वाड कबस्कनगडाहि, कुदतुन जेक तासना,✧ इद्रमताये ताकमुळ मावा देवुळबाबाना विचरते, तपलेवद निटमता कर्तुळ आंदु.✧

2

बोनाय मोकम ऊळिस ताकना आयो

1 मावोरिर! मीटु देवुळता डीसाते मनवाल, मावा सामि येसु किस्तुन विस्वस कीतिर. अदिनेनाहक बोनाय मोकम ऊळिस बह ताकमाटु.✧

2 मीटे सीता कीस ऊळाटु, मीवा पार्तनातगा ओर्वोग मन्कल बंगरताड मुदाड केगिसि, बेसता मलयळि केगस वावेग. ओसो दुस्रोग गरिब मन्कल बार कळन्जतद जगा केगस वावेग.

3 बेसता जगा केगतोन ऊळिसि, “इगा बेरोर उदनद जागातगा उदा!” इनजोर इनेरिर, गरिब मन्कन बार, “इगा निच मन रा! उदना इतेक बार नेल उदा,” इनजोर इनेरिर.

4 इद्रम कीसि, लाग्वाड विचर्कने मीवाय नडुम उडूलोर-बेरोर इनजोर, मोकम ऊळिस ताकवालोरिर आयविरा?✧

5 मावोर विस्वसिरिर, केंजाट! इद दुनियातोरा इसबते बोर गरिबते मन्हतोर, ओरिन विस्वसते बेरोर कीयलाह, देवुळि आचताया, आचो?✧ नावा राजेम मियेनाहके आयगा इन्जि, देवुळि तन्क जीवा केवालोरिनाहक पोल्लो विळिसस मता इन्जि पुतिर,✧ अदे राजेम गरिबतोर विस्वसिरिहक आयगाया, आयो?✧

✧ 1:26 1:26 देवुळताड पाटाड 39:1; 141:3; याकुब 3:2-12 ✧ 1:27 1:27 व्यवस्थाविवरण 14:29; अय्यूब 31:16-17,21; देवुळताड पाटाड 146:9; यशायाह 1:17,23 ✧ 1:27 1:27 रोम सहरतोर 12:2; तीतुस 2:12; याकुब 4:4; 2 पत्रु 1:4 ✧ 1:27 1:27 2 पत्रु 3:14 ✧ 2:1 2:1 बळयिर 10:34 ✧ 2:4 2:4 योहन 7:24 ✧ 2:5 2:5 अय्यूब 34:19; लूकाल 12:21; 1 कुरिततोर 1:27-28; तोहचीतव पोल्लोड 2:9 ✧ 2:5 2:5 1:12 ✧ 2:5 2:5 लूकाल 6:20

6 मीट बार गरिब मन्कलोरा कदर रेहतिर. ✧ मति मीक मुळहवालोर, ओसो पंचतगा ईळिसस ओयवालोर, साक्कर मन्कलोर आयो रा?

7 ओसो पिसिह केवाल किर्स्तुना बेसता पेदिर मीक अरता, ✧ अद पेदिरतुन वने पास्कवालोर, वेरे साक्कर मन्कलोर आयो रा?

8 ओसो निटम मीट देवुळता राजेमताड अडोड माळतिर इतेके, पका बेस कीरहनिर. ✧ देवुळता साङ्गम वेहतपु, निमा कुदतुन जीवा कीतपु, दुस्रोनि वने जीवा कीम. ✧

9 मति दुस्रोनि उड्लोग-बेरोग इनजोर ऊळतिर इतेक मात्रम, मीट पापम कीरहनिर. ✧ पया देवुळताड अडोनु माळवद कसुर, मीवा पोगोन उदगा.

10 बोगाय मन्कल देवुळताड अडोड पूरा माळिसाय मति, उंदाय अडोतुन तपतोग इतेके, ओग अडोना पूरा साङ्गम माळवदिना कसुरतोग आस्तोग, ✧ पुनविरा?

11 बह इतेके साद्याल कबळ कीयनद आयो ✧ इनजोर वेहतदे देवुळि, दुस्रोनि हक्कनद आयो ✧ इनजोर वने वेहता. निमा साद्याल कबळ केविन, मति हक्कतिन इतेके, निमा अडोन माळवोनिन आरहनिन.

12 मीक पापमताहि विळिसह कीयनव देवुळताड अडोनु माळतिरा, माळविरा? ✧ अविस्कना इसबते, देवुळ मीवा नेयम कीयगा. अदिहकु मीवा तोडटाड पोल्लोड, मीवाड कबस्क, अव अडोड वेहतपु मनिड.

13 बह इतेके, बोग दुस्रोना पोगोन दया केवोग, देवुळ वने नेयम कीयनद दियाते, ओना पोगोन दया केवो आयगा. मति दया केवालोर मन्कलोर, नेयमतुहक रेयोर आयनुर. ✧

बेसताड कबस्क केवेके, विस्वस उगसताये

14 मावोर विस्वसिरि! बोगाय मन्कल किर्स्तुन विस्वस कीरहनिन इनजोर वेहेग, मति तना विस्वसतुन तोहतलाह, बेसताड कबस्क केवोग इतेके, ओना विस्वसता बाताल पायदा आयगा? ✧ बह इद्रमता विस्वस ओन पिसिह कीया पगयहताया?

✧ 2:6 2:6 1 कुरिततोर 11:22 ✧ 2:7 2:7 बळयिर 11:26; 1 पत्रु 4:16 ✧ 2:8 2:8 मत्याल 7:12 ✧ 2:8 2:8 लैव्यव्यवस्था 19:18; रोम सहरतोर 13:8-9 ✧ 2:9 2:9 बळयिर 10:34 ✧ 2:10 2:10 मत्याल 5:19; गलातितोर 5:3 ✧ 2:11 2:11 पेसमुळि 20:14; व्यवस्थाविवरण 5:18 ✧ 2:11 2:11 पेसमुळि 20:13; व्यवस्थाविवरण 5:17 ✧ 2:12 2:12 गलातितोर 6:2; याकुब 1:25 ✧ 2:13 2:13 मत्याल 5:7; 18:32-35; लूकाल 6:37; याकुब 3:17 ✧ 2:14 2:14 1:22

15 इंजेके बोगाय विस्वसि मन्कल नियगा वास्तोग, ओन्क ईईमते केगयलाह गेंदेड इलेड, दिनम तिनदलाह तिंडि वने आलो.✧

16 अस्के निमा ओन ऊळिसि, “सुकमते अन! देवुळि नीकु बेस मल्डनाड गेंदेड ईयि! पोटामेंड पंजनाह गाटो ईयि,” इनजोर इहनिन, मति ओना मेंदुदुहक बेव गर्ज मन्हताड, अव ओन्क एविन इतेके, ताना बाताल पायदा?✧

17 इद्रमलेहका विस्वस कीसि, बेसताड कबस्क केवेक अचोन, मीवा विस्वस बाताल कबळता?✧

18 बोगाय नाकु “नियगा विस्वस मन्हताया?” इनजोर इनेग. नना इतेक “नना बेसताड कबस्क केवानन. निमा बेसताड कबस्क केवाये, नीवा विस्वसतुन नाक तोहतहनिन. नना बार बेसताड कबस्कनेने, नावा विस्वसतुन तोहतकन,”✧ इनदकन.

19 इंजेके देवुळि उंदिय मन्हता इनजोर, मीट विस्वस कीतिर बेसे.✧ मति देयहक वने मीवा लेहका अद पोल्लोतुन विस्वस कीस्ताड, ओसो (देवुळ माक सिक्सा ईयगा इनजोर,) रेयिसि साडिहताड.✧

20 एय बुदलेवोग मन्कनिन! बेसताड कबस्क केवालेवा, वेट विस्वस बाताले कबळता आयो! इचोन वने पुनविना?✧

21 अद्रमे मावा पेदामुय्तोग अब्रहम, देवुळता पोल्लोतुन केंजिसि, तना मगि इसकिन मोक ईयलाह गर्यातगा तासतोग.✧ ओग अद्रम कीसि, तना विस्वसतुन तोहतस्के, देवुळि ओन सेतेमतोनिन इता इनजोर,✧ इद पोल्लोतुन मीट बेस पुहनिर.

22 ऊळाट, ओना विस्वस ओसो ओग कीतव कबस्क कलियिस मताड,✧ ओनाड कबस्कनेन ओना विस्वस करल दिसता.

23 इद्रमलेहका अब्रहम मुय्तोग देवुळता पोल्लोतुन नमतोग, अस्के देवुळि ओन सेतेमतोनिन इता✧ इनजोर, देवुळता सास्त्रमतगा रासतद इद पोल्लो करल दिसता. ओसो अब्रहमिन देवुळता गोततोग✧ इनजोर वने इंदुर.

✧ 2:15 2:15 मत्याल 25:35-36; लूकाल 3:11 ✧ 2:16 2:16 1 योहन 3:17-18

✧ 2:17 2:17 ग्लातितोर 5:6 ✧ 2:18 2:18 मत्याल 7:16-17; लूकाल 6:43-44

✧ 2:19 2:19 व्यवस्थाविवरण 6:4; मार्कल 12:29 ✧ 2:19 2:19 मत्याल 8:29;

मार्कल 1:24; 5:7-8; लूकाल 4:34; बळयिर 19:15 ✧ 2:20 2:14-20 याकुब 1:22

✧ 2:21 2:21 पुटमुळि 22:9-12; इब्रितोर 11:17-18 ✧ 2:21 2:21 पुटमुळि 22:16-18

✧ 2:22 2:22 योहन 6:29 ✧ 2:23 2:23 पुटमुळि 15:6; रोम सहरतोर 4:3 ✧ 2:23

2:23 2 इतिहास 20:7; यशायाह 41:8

24 अदिहक सिरप विस्वस कीतिकेन आयो, मति बेसताड कबस्क कीतिकेने, देवुळि माकु सेतेमतोरिर इन्हता इनजोर, माक तेळियिहता.

25 अद्रमे राहब पेदिरता बोगे आंचाना पोल्लोतुन पुतिरे. (ताना सहरतुन ऊळलाह अनज मतोर,) इस्त्रयेलतोर आयडाड गुंजवालोरिहक, अद आंचाळ तना लोते मकलाहि जागा ईता. अह कीस पया (ओरिन बोर ऊळवस्के,) दुस्त्रा अगदे मल्हच लोहचीता.* ✧ अद अद्रम (देवुळतुन विस्वस कीसि,) इद कबळ कीताहकु, देवुळता मुनेह अद सेतेमतद आता. ✧

26 निटमे बेद्रम ऊकुरलेवा मेंदुल डोलिहता, अद्रमलेहकाने बेसताड कबस्क केवालेवा, विस्वस वने डोलिस मन्हता.

3

मन्कना वेंजेग

1 माबोर विस्वसिरिर! मियगडाहि वेल्लाटोरिर मात्रम, विस्वसिरिन कागहतनद कबळ कीकोम इनजोर, विचर केमाटु! बाराहक इतेके, माट कागहवालोरिन देवुळि पका कळकते नेयम कीयगा, ✧ इदिन मीट इतेक पुतिरे.

2 माट सबेटोरल ऊक-ऊके तपिहनले.

मति बोग मन्कल पोल्लो वळहकनेक तपोग, ओग बेस बुदतोग मन्कल आंदोग. ओसो ओग तना पूरा मेंदुदुन वने, आव्रे कीया पगयहतोग. ✧

3 माटु कोंदातुन आव्रे कीयलाह, ताना मुकतुहक कय-कासा दोहतहनल; दोहचि ताना पूरा मेंदुदुन बेक इतेक अके तिर्हता पगयहनल. ✧

4 अद्रमे ओसो ऊळाट, सम्दुरते ताकनव ओडाड वने पका बेराड मन्हताड, बेरा वळयते दास्ताड. मति ओडाड वगहवालोरु, तमा विचरते बेक इतेक अके, उडूला उकुळते अविस्किन मल्हता पगयहतोर. 5 इद्रमलेहकाने, मावा मेंदुदुगा वने उडूला

* **2:25 2:25** राहब पेदिरता आंचाळि यहुदि आयवद मता, ओसो बोगे कबळ कीन्दु. मति देवुळि कनान देसेमतुन इस्त्रयेलतोरिहक ईता इनजोर, विस्वस कीसि, ताना देसेमतुन ऊळलाह अनज मतोर इस्त्रयेलतोर आयडाड गुंजवालोरिन, तना सहरतोरगडाह मकिह कीसि, दुस्त्रा अगदुहक मल्हच लोहतनद बेसता कबळ कीता (यहोशू 2 अद्रयय ऊळाट). ✧ **2:25 2:25** यहोशू 2:4,6,15 ✧ **2:25 2:25** इब्रितोर 11:30-31 ✧ **3:1 3:1** रोम सहरतोर 2:20-23; 1 तिमोति 1:7 ✧ **3:2 3:2** मत्याल 12:34-37 ✧ **3:3 3:3** देवुळताड पाटाड 32:9

उंद वेंजेग मन्हता, अदु बेराड-बेराड पोल्लोड पोगयिहता. ✧ ओसो अद्रमे ऊळाट, इचुटा किसतळमते पूरा गेळा कर्विहता! ✧

6 मावा वेंजेग वने किसतळमता लेहकान मन्हता. तानगा कतम लाग्वाड पोल्लोडे निदिस मन्हताड. ✧ अद मावा मेंदुदगा मन्जि, मावा पूरा मेंदुदुन करब कीस्ता. ✧ ओसो मावा पूरा मनमुळतुन बोळिसिसि, (अमेसा कट्ला पुटिह कीस्ता). अद्रमता किसु देयमदीपताहे पेसिहता. ✧

7 ऊळाट, सबे जातिनाड गेळा जन्वर्किनु, पिटेनु, सबे मीन्किनु, मन्कल आव्रे कीया पगयहतोग, अद्रम आव्रेम आताड वने.

8 मति आपुना वेंजेटुन मात्रम, बोगे आव्रे कीस तास पगवोग. अद बेस्केन रोमवदु लाग्वाद आंदु, तानगा हामुर ईयनद वीसम निदिस मन्हता. ✧

9 माटु इदे वेंजेटे, मावा सामि देवुळबाबान जोहर कीयहनल; ओसो इदे वेंजेटे, देवुळि तना लेहका पंडटोर मन्कलोरिन सरप ईयहनल. ✧

10 इद्रम उंदिय तोडटे जोहर कीयनदु ओसो सरप ईयनदु पेसिहता. मावोर विस्वसिरिर! माटु इद्रम कीयनद बेस आयो.

11 उंदिय कनिरतगडाहि बेस मिडतद एगु, ओसो मिडवद एगु, पेस पगयहताया?

12 बहु तोया मरातगा लिमा कायाड* आदिहताडा? इलवेके अंगुर तोंडातगा रेंगाबेद्रेड† आदिहताडा? (आदोड, इद्रम बेस्केन आद पगवोड.) ✧ अद्रमलेहकाने ओवुर एता कनिरतगडाह वने, बेस मिडतद एगु बेस्केन पेस पगवो. ✧

देवुळतगडा बुदि

13 ओसो बोग मीवा नडुम बुदतोगु, तेल्वतोग मतेके, ओग उड्ला बुदते ताकसोरे, तना बुदताड कबस्क कीस तोहेग. ✧

✧ **3:5 3:5** देवुळताड पाटाड 12:3-4; 73:8-9 ✧ **3:5 3:5** बुदताड पोल्लोड 26:20-21

✧ **3:6 3:6** बुदताड पोल्लोड 16:27 ✧ **3:6 3:6** मत्याल 12:36-37; 15:11,18-20

✧ **3:6 3:6** मत्याल 5:22 ✧ **3:8 3:8** देवुळताड पाटाड 140:3; रोम सहरतोर 3:13

✧ **3:9 3:9** पुटमुळि 1:26; 1 कुरिततोर 11:7-9 * **3:12 3:12** तोया मरातगा लिमा कायाड

मोदुल कागिदते "अजिर मरातगा जयतुन कायाड". † **3:12 3:12** रेंगाबेद्रेड मोदुल कागिदते "अजिर पडिड".

✧ **3:12 3:12** मत्याल 7:16; लूकाल 6:43-44 ✧ **3:12 3:2-12** 1:26

✧ **3:13 3:13** 1 पत्रु 2:12

14 मति मीवा जीवातगा, मियेनाहके कदर पर्हकनव, ✧ ओसो जीवा कर्वनव, विचर्क निंदिस मताड इतेके, बुदतोरुम इनजोर, पोगयसोर तिरियमाटु. सेतेमतुन मकिह कीसि, जोल वळहकमाटु. ✧

15 इद्रमता बुदि देवुळतगडाहि वावो, मति मन्कना बुदतगडा, ✧ इद दुनियातगडा, ✧ देयमदीपतगडा आंदु. ✧

16 बेगा कुदतेनाहक कदर पर्हकनदु, जीवा कर्वनदु मन्हता, अगा कट्टला मन्हता, ओसो सबे रीतिनाड लाग्वाड कबस्क वने मन्हताड.

17 मति देवुळतगडा बुद मनवाल, ✧ देवुळतगान पूरा सीता तासिहतोग, दुस्रोरा संगे गूनमते मन्हतोग, कुल्लु बुदते ताकिहतोग, ✧ दुस्रोरा पोल्लो केंजिहतोग, जीवा लोपिहतोग, ✧ अमेसा बेसताड कबस्क कीस्तोग, उड्लोग-बेरोग इद्रम इनोग, ओसो सोड केवाल आयोग. ✧

18 ओसो ओर्विहक-ओर्विन गूनमते काल्हपवालोर मन्कलोर, गूनमता विजा वीतिहतोर, पया सेतेमताड कबस्कना पंटा ओरिहक दिसिहता. ✧

4

जग्ळाड-बोबाड बेगडाह पुटिहताड?

1 मीवा नडुम जग्ळाड-बोबाड बेगडाह पुटिहताड? ✧ मीवाड लालुस्क मीवा जीवातुन आत्रे कीयलाह ऊळिहताड, ✧ अगडाहे कोनि इव सबे जग्ळाड पुटिहताड. ✧

2 मीटु बेव गावले इनजोर विचर कीयहनिर, अव मीक दोर्कोड. अदिनेनाहक मीट दुस्रोरीन हक्किहनिर. ✧ दुस्रोरा मादगा कोंडा वाटिहनिर, मति मीक अव दोर्कोड. अदिहक जग्ळाड-बोबाड कीयहनिर, अद्रम कीसाय मति, मीक अव दोर्कोड. बह इतेके, मीट देवुळतुन ताल्हकविर.

✧ **3:14 3:14** रोम सहरतोर 2:8 ✧ **3:14 3:14** 2 कुरिततोर 12:20 ✧ **3:15 3:15** यहदाल 19 ✧ **3:15 3:15** 1 कुरिततोर 2:6; 3:19 ✧ **3:15 3:15** 1 कुरिततोर 2:14; 2 कुरिततोर 1:12; 2 तिसलुनितोर 2:9; 1 तिमोति 4:1; तोहचीतव पोल्लोड 2:24 ✧ **3:17 3:17** 1:17 ✧ **3:17 3:17** तीतुस 3:2 ✧ **3:17 3:17** लूकाल 6:36; याकुब 2:13 ✧ **3:17 3:17** रोम सहरतोर 12:9 ✧ **3:18 3:18** यशायाह 32:17; होशे 10:12; ग्लातितोर 6:8; पिलिपितोर 1:11; इब्रितोर 12:11 ✧ **4:1 4:1** तीतुस 3:9 ✧ **4:1 4:1** रोम सहरतोर 7:23 ✧ **4:1 4:1** 2 तिमोति 2:23 ✧ **4:2 4:2** 5:6; 1 योहन 3:15

3 ओसो मीट ताल्हकलाह ताल्हकिह्निर मति, बेसतल बुदते ताल्हकविर. अदिनेनाहक मीक दोर्कोड, बह इतेके मीट ताल्हकतस्के, दोर्कनविन मीवाय गिर्दातुहक पोहतलाह ताल्हकिह्निर.*

4 एय देवुळतुन जीवा केवोरिर, दुनियातुन जीवा कीयना इतेके, देवुळता संगे विरुद आयना लेहका आस्ता. बोग मन्कल दुनियातुन जीवा कीयलाह ऊळिहतोग, ओग मन्कल देवुळता विरुदतोग आस्तोग,* मीक इद पोल्लो एर्का इलेया?

5 देवुळता साझमतुन बेस सीता कीम्हट. मावा लोप्पा तना तासतद जीवाता संगे, देवुळि जोळेम आयलाह ऊळिहता.*

6 (बोगाय देवुळता विरुदतोग आतेक तेला, ओना पोगोन) देवुळ एक्वा दया तोहतहता.* अदिनेनाहक ताना साझमतगा इद्रम रासतद मन्हता: नना बेरोनन इनवानु, देवुळि अडम मन्हता,

मति नना उड्लोनन इनवानु, देवुळि दया कीस्ता.*

7 अदिहक मीट देवुळता पोल्लोते वग्डिस मन्हट.* देयहकना मुक्यानाड केंजमाट. अस्के अद मियगडाहि वितगा.*

8 देवुळता ऐ मीट वातेके, देवुळ वने मीवा ऐ वायगा.* एय पाप्यहलोरिर! करब आतव कयकिन नोगतप लेहका,* (लाग्वाड कबस्क केवा, मीवा ताकमुळतुन बेस) कीम्हट.* मीट रेंड विचर्क केवा,* मीवा पूरा जीवा देवुळतगान मनि.*

9 (माट पापि मन्कलोरोम इन्जि,) दुकम आस अळम्हट, केयाट. मीट कवयनदिन विळिससि, दुकम आम्हट; ओसो गिर्दा आयनदिन विळिससि, मेसेहने आम्हट.*

10 सामिना मुनेह मीट उड्ला बुदतोरिर आम्हट. अह आतिर इतेके, मीकु तना मुनेह बेरा कीयगा.*

✧ 4:3 4:3 1 योहन 3:22; 5:14 ✧ 4:4 4:4 मत्याल 6:24; योहन 15:19; रोम सहरतोर

8:7; याकुब 1:27; 1 योहन 2:15-16 * 4:5 4:5 देवुळि मावा संगे जोळेम आयलाह ऊळिहता,

मति माट सिङ्गि आंचाना लेहका दुनियातुन जीवा कीतेके, देवुळि ओड आस्ता. ✧ 4:5 4:5 1 कुरिततोर

6:18-20; पिलिपितोर 2:1-2 ✧ 4:6 4:6 यशायाह 54:7-8 ✧ 4:6 4:6 देवुळताड

पाटाड 138:6; बुदताड पोल्लोड 3:34; मत्याल 23:12; 1 पत्र 5:5 ✧ 4:7 4:7 1 पत्र 5:6

✧ 4:7 4:7 इपिससतोर 4:27; 6:11-13; 1 पत्र 5:8-9 ✧ 4:8 4:8 2 इतिहास 15:2;

जकर्याह 1:3; मलाकी 3:7; इब्रितोर 7:18-19 ✧ 4:8 4:8 1 तिमोति 2:8 ✧ 4:8 4:8

अय्युब 17:9; यशायाह 1:16; 1 पत्र 1:22 ✧ 4:8 4:8 1:8 ✧ 4:8 4:8 यिर्मयाह 4:14;

1 योहन 3:3 ✧ 4:9 4:9 लूकाल 6:25 ✧ 4:10 4:10 यहजेकेल 21:26; लूकाल 1:52;

1 पत्र 5:6

कसुर वाटनद अदिकर मीक इले

11 मावोरिर! ओर्विहक-ओर्विना विस्द वळ्हकमाटु. बोगु तना ऐंगेटोग विस्वसिना विस्द वळ्हकहहोग, इलवेके ओनगा कसुर वाटिहहोग, ओग देवुळताड अडोना विस्द वळ्हकहहोग. ✨ ओसो देवुळताड अडोन चुकताड इन्हहोग. अद्रम बार मीट देवुळताड अडोड चुकताड इतिर इतेके, अडोड वेहतप ताकवालोरिर आयविर. ✨ मति मीटे नेयम केवालोरा लेहका मन्जि तपिह्निर.

12 अडोड ईयनदु, ओसो नेयम कीयनदु, सिरप देवुळिये आंदु. ✨ तान्के पिसिह कीयनद ओसो बूळे कीयनद अदिकर मन्हता. ✨ मति मीकु मीवा ऐंगेटोना पोगोन कसुर वाटनद अदिकर बोग ईतोग?

मावा पिसमुळ देवुळता कयदे मन्हता

13 इद उंद पोल्लो केंजाटु! मियगडाह उच्चुर इद्रम इह्निर: “नेंड तेला, नाळ तेला, इगडाह पलाना सहरते दाकल. अगा वसमिंड मन्जि दंदा कीकल, कीसि वेल्लाडे कोताड कमय कीकल” इह्निर. ✨

14 मति नाळता दियाते मीक बह आयगा, इदिन वने मीट पुनविर! मीवा पिसमुळ इतेके, गळके दिसिसि पया मायनद मूळमलेहकाडा आंदु. ✨

15 अदिनेनाहक मीट अमेसा इद्रम इनदना गावले, “देवुळता विचर मतेके, माट जीवात मनदकोम, ओसो इद आयवेक अद कबळ कीकोम,” इनदना. ✨

16 मति मीट इतेके, पका पोमाडेड कीसोर बोळिसह्निर, इद्रमता पोमाडेड कीयनद लागो. ✨

17 अदिनेनाहक बोग बेसता कबळ कीयलाह पुन्हहोग, मति अदिन केवोग इतेके, ओग पापम कीस्तोग. ✨

5

लालुस मनवालोर साव्कर्कना लोप्पाडा पोल्लो

✨ **4:11 4:11** मत्याल 7:1; रोम सहरतोर 14:4; 2 कुरिततोर 12:20; याकुब 5:9 ✨ **4:11 4:11 1:22** ✨ **4:12 4:12** यशायाह 33:22; याकुब 5:9 ✨ **4:12 4:12** मत्याल 10:28 ✨ **4:13 4:13** बुदताड पोल्लोड 27:1; लूकाल 12:18-20 ✨ **4:14 4:14** अथ्यूब 7:7; देवुळताड पाटाड 39:5; 102:3; 144:4 ✨ **4:15 4:15** बळयिर 18:21 ✨ **4:16 4:16 1** कुरिततोर 5:2,6; 1 योहन 2:15-16 ✨ **4:17 4:17** लूकाल 12:47; योहन 9:41; 2 पत्रु 2:21-22

1 एय साव्कर मन्कलोरिर! मीवा पोगोन पका सिक्सा वायना मन्हता, अदिनेनाहक केयसोर अळम्हटु!✧

2 मीवा अनम कळियलाह आता, मीवाड गेंदेनु एल्म तिनदलाह आता.✧

3 मीवाड बंगर्क-वेंडिनु सिलुम पोयलाह आता. देवुळि नेयम कीयहपा, मीवा पोगोन लालुसता कसुर मन्हता इनजोर, अद सिलुम साक्सि इयगा. इद आक्रि कालमते, मियेनाहक बंगर्क-वेंडिड जमा कीतिर. (मति मीवाड बंगर्क-वेंडिड सिलुम पोस बूळेम आयना लेहका, देवुळि) मीक देयमदीपता किसते बूळे कीयगा.

4 इह केंजाट! मीटु लोकुरिन पोलमतगा कोया वेहतिर, मति ओरिहक बूति एविर. इद्रम बूत एवद पापमतुन देवुळ ऊळता.✧ ओसो बूतिनोरा केयनद लेड वने, बेरा डीसाता सामिनगा एवता.✧

5 मीट इद बूमतगा सबे रीतिनाड विचर्क वातप ताकतिर.✧ मति (बेद्रम नेंड नगका नाक अस्कनुर इन्जि, एर् पुनवा बेस मेयिहता, अद्रम) मीट वने देवुळ माक बूळे कीयलाह आता इनजोर पुनवा,✧ गिर्दा-वेळकाते महनिर.

6 ओसो सेतेमतोर मन्कलोरिन कोरोटटे ओसि, जोल कसुर वाटिस, ओरिन हव्कनाह कीतिर,✧ ओर मीक रोमिह केवोर वने.

दीरा पोयम्हटु, पार्तना कीम्हटु

7 अदिनेनाहक मावोरिर, येसुसामि ओसोवने वानाहजोम, दीरा पोस केपाटु. ऊळाट, बेद्रम पोलमता कबळ केवालोर, पोलमते वीततद तमा पिसवगता अनमतनेनाहकु, सुस्मुनेता पेगदुन ओसो मारेंगा पेगदुन केपिहतोर.✧

8 अद्रमलेहका मीट वने आरेम आयवा, दीरा पोस केपाटु,✧ बह इतेके सामि वायनद दिया एरेन एव्स मन्हता.✧

✧ 5:1 5:1 यशायाह 13:6; यहजेकेल 30:2; लूकाल 6:24; 1 तिमोति 6:9-10 ✧ 5:2 5:2 अय्यूब 13:28; यशायाह 50:9; मत्याल 6:19-20 ✧ 5:4 5:4 लैव्यव्यवस्था 19:13; अय्यूब 24:10-11; यिर्मयाह 22:13; मलाकी 3:5 ✧ 5:4 5:4 पेसमुळि 2:23; व्यवस्थाविवरण 24:15; अय्यूब 31:38-39 ✧ 5:5 5:5 यहजेकेल 16:49; लूकाल 16:19; 1 तिमोति 5:6; 2 पत्र 2:13 ✧ 5:5 5:5 यिर्मयाह 12:3; 25:34 ✧ 5:6 5:6 4:2 ✧ 5:7 5:7 व्यवस्थाविवरण 11:14; यिर्मयाह 5:24; योएल 2:23 ✧ 5:8 5:8 लूकाल 21:19; 1 तिसलुनितोर 3:12-13 ✧ 5:8 5:8 रोम सहरतोर 13:12; 1 पत्र 4:7

9 मावोरिर, ओर्विहक-ओर्वोग मुयोग आसोर मनमाटु. अद्रम आतिर इतेके, मीवा पोगोन कसुर उदगा. ऊळाट! नेयम केवाल येसुसामि अगदगान एवयलाह आतोग.✧

10 वेल्लाय मुने देवुळता कबुरतोऱु तानाडु पोल्लोड वेहन्दुर, ओसो ओर बेद्रम तिपल्किन आपिसि, आरेम आयवा दीरा पोस मंदुर, अदिन सीता कीम्हटु. ओसो मीट वने ओरा लेहकान मन्हटु.

11 इद पोल्लो केंजाट, तिपल्कने आरेम आयवा दीरा पोस मनवालोरिन, देव्यातोर इहनल.✧ मुनेतोग अयुब मुय्तोग बेरा तिपलते आरेम आयवा, बेद्रम दीरा पोस मतोग, ओसो आक्रिते देवुळतगडाह ओन्क बेद्रम बर्कत दोर्कता, इदिन इतेक मीट केंजतिर ओसो पुतिर वने.✧ इद्रमे देवुळि अमेसा जीवा लोपनदु, दया कीयनद आंदु.✧

12 मति मावोरिर! सबेटुक बेरा पोल्लो इद आंदु इतेके, मीट बेस्केन किरिया ओतनाय आयो. अद देवुळदीपता वने आयो, इद ब्रूमा वने आयो, ओसो दुष्पा बेदे रीतता किरिया केमाटु. मीवा वळहकमुळि इंगो इतेके इंगो, आयो इतेके आयो इन्हटु. इद्रम कीतिर इतेके, देवुळ मीवा पोगोन कसुर वाटो आयगा.✧

13 मियगा बोगाय तिपलते मतेके, पार्तना कीयेग. बोगाय बेस सुकमते मतेके, देवुळतुन जोहर कीसोर पाटाडु ओयेग.

14 ओसो मीवा नडुम बोगाय बेमरते मन्जि तेद पगवेके, ओगु विस्वसिरा मुडा मुक्यालोरिन केयेग. ओर वासि, येसुसामिना पेदिरते, ओन नेय ओकिस ओनेनाहक पार्तना कीयिर.✧

15 ओऱु विस्वसते कीतद पार्तनाते,✧ बेमरतोग बेस आयनोग. सामि ओन बेमरतगडाहि तेहतगा. ओसो ओग पापम कीस मतेक तेला, ओना पापमतुन मापि कीयगा.✧

16 अदिनेनाहक मीट कीतद पापमतुन, ओर्विहक-ओर्वोग कबुल आम्हटु,✧ ओसो ओर्विनेनाहक-ओर्वोग पार्तना कीम्हटु. अस्के मीट बेमरताहि बेस आयकिर.

✧ 5:9 5:9 1 कुरिततोर 4:5; पिलिपितोर 4:5; याकुब 4:11-12; 1 पत्रु 4:5 ✧ 5:11 5:11 मत्थ्याल 5:10; रोम सहरतोर 12:12; याकुब 1:2,12 ✧ 5:11 5:11 अय्युब 1:21—2:10; 42:10,12 ✧ 5:11 5:11 पेमसुळि 34:6; देवुळताड पाटाडु 103:8 ✧ 5:12 5:12 मत्थ्याल 5:34-37 ✧ 5:14 5:14 मार्कल 6:13; 16:18 ✧ 5:15 5:15 1:6 ✧ 5:15 5:15 1 योहन 5:16 ✧ 5:16 5:16 मत्थ्याल 3:6; मार्कल 1:5; बळयिर 19:18

सेतेमतोग मन्कना पार्तनाते पका लाव मन्हता.✧

17 मुनेतोग कबुरतोग एलियान सीता कीम्हटु! ओग मावा लेहकाडोगे मन्कल मतोग.✧ मति इम्नयेल देसेमतगा पेग अरमाकि इनजोर, गोंडगोंड आसि पार्तना कीतोग. कीताहकु मूंड वर्साड आरुड नेलाड, अद देसेमतगा पेग अरवो आसि.✧

18 पया ओसोवने पेग अरयि इनजोर पार्तना कीतोग, अस्के पोगोटाहि पका पेग अरता,✧ ओसो बूमतगडाहि अनम पुटटा.

19 ओसो मावोरिर! मियगडाह बोगाय देवुळता सेतेम अगदाहि लेसतेक अचोन,✧ ओन ओसोवने बोगाय दुस्रोग, सेतेमता अगदे मल्हच ततोग इतेके,✧

20 मल्हच तवाल मन्कल, लेसिस मतोग मन्कना वेल्लाय पापमतुन मापि कीयनाह कीसि, ओन बूळेम आयवाह पिसिह कीस्तोग,✧ इदिन पुनेग.

✧ 5:16 5:16 पुटमुळि 18:23-32; योहन 9:31 ✧ 5:17 5:17 बळयिर 14:15

✧ 5:17 5:17 1 राजा 17:1; लूकाल 4:25 ✧ 5:18 5:18 1 राजा 18:42-45

✧ 5:19 5:19 इन्नितोर 5:2 ✧ 5:19 5:19 मत्याल 18:15; गलातितोर 6:1 ✧ 5:20

5:20 बुदताड पोल्लोड 10:12; याकुब 1:21; 1 पत्रु 4:8

Hill Madia
Hill Madia standard translation

copyright © 2021 Wycliffe Bible Translators, Inc.

Language: (Maria)

Contributor: The Seed Company

All rights reserved.

2025-05-15

PDF generated using Haiola and XeLaTeX on 14 May 2025 from source files
dated 15 May 2025

9f0bdb58-21f8-514e-8286-5b2942b7d458